

• 本社編

# 禪宗語錄輯要

趙樸初題



• 上海古籍出版社

匯集禪宗五家七宗語錄要籍  
展示禪宗盛期思想精義。



● 本社編

禪宗語錄輯要

趙樸初題



● 上海古籍出版社



\*200034346\*

U-190.157



滬新登字109號

**禪宗語錄輯要**

本社編

上海古籍出版社出版

(上海瑞金二路272號)

上海書店上海發行所發行 上海東方紅印刷廠印刷

開本787×1092 1/16 印張57.75 插頁4

1992年9月第1版 1992年9月第1次印刷

印數: 00001—2000

**ISBN 7-5325-1296-7**

**B·185 定價: 49.50 元**

## 出版說明

《禪宗語錄輯要》收入日本《大正新脩大藏經》(以下簡稱《大正藏》)第四十七、四十八卷(諸宗部四、五)所輯中國禪宗「五家七宗」的語錄，兼及頌古、評唱等著作，共二十三種，一百二十四卷，是研究中國禪宗思想的重要資料。

禪宗語錄肇自唐代，它是僧徒記錄宗師話語，并加匯集而成的。語錄，顧名思義，用的都是當時、當地的方言口語，因而較為活潑自然。這種既口語化、又具抑揚頓挫節奏的語錄形式，後來被宋明理學家所沿用。古代的禪師均修養極高，除了深諳佛法奧義，大多還能詩善賦，嫻於語言藝術。觀其發言吐語，時而峻烈峭拔，時而輕鬆詼諧，時而又含蓄雋永，可謂極盡變化之能事；他們又善於針對不同學人所提出的疑問，隨機作答，以激發其慧念，進而提高學人的悟道水平。今天看來，禪師們從佛家角度剖析人生、社會中某些現象，其特殊的思維方式，對於我們思考問題仍不無啟迪，因此，已引起海內外諸多人士的濃厚興趣。

晚唐至宋，「五家七宗」相繼興起，使禪宗達到了空前的繁榮。這一時期，語錄大

量涌現，令人目不暇接。《大正藏》遴選各家創立者及其重要法嗣的語錄十八種（按：同一禪師語錄有二集者，算一種），共一百卷，以少馭繁，集中反映了禪宗各家思想的內蘊精義。《大正藏》收載諸家語錄數量有所側重，於臨濟一系（包括黃龍、楊岐二支）語錄收入最多，共九種，七十一卷，約佔它所收「五家七宗」語錄的十分之七。其次為曹洞宗語錄，收入四種，共十七卷，而於雲門、潯仰、法眼三宗語錄則收入甚少。這樣分配比重，似依據各家勢力、影響和傳承時間的長短而定。比如臨濟一系在五家之中實力最強、流傳最久、影響也最大，故輯其語錄最多。曹洞宗雖不很興盛，但流傳時間較長，故采錄量也較多。其餘三家末以後皆失傳，且影響相對有限，故收載最少。鑒於《大正藏》所輯諸家語錄數量以及各家分配比例較為適當，故據以全部影印。

有關「五家七宗」的著述，《大正藏》還收入頌古、評唱等著作五種，包括宋圓悟克勤的《碧巖錄》十卷、元萬松行秀的《從容庵錄》六卷、宋宗紹編的《無門關》一卷、宋智昭集《人天眼目》六卷。這些著作對於認識和把握各家的思想脈絡及其禪風的演變有重要參考價值，故在此一併影印。另外，為便於讀者了解禪宗源流，我們請葉笑雪先生配合本書擬寫了後記。

上海古籍出版社 一九九二年六月

目錄

出版說明

鎮州臨濟慧照禪師語錄(一卷) (唐)慧然集……………一

筠州洞山悟本禪師語錄(一卷) (日本)慧印校訂……………一三

瑞州洞山良价禪師語錄(一卷) (明)語風圓信 郭凝之編集……………二五

撫州曹山元證禪師語錄(一卷) (日本)慧印校訂……………三二

撫州曹山本寂禪師語錄(二卷) 卷上(明)郭凝之編集……………四一  
卷下(日本)玄契編次……………

雲門匡真禪師廣錄(三卷) (宋)守堅集……………五〇

潭州瀉山靈祐禪師語錄(一卷) (明)語風圓信 郭凝之編集……………八三

袁州仰山慧寂禪師語錄(一卷) (明)語風圓信 郭凝之編集……………八八

金陵清涼院文益禪師語錄(一卷) (明)語風圓信 郭凝之編集……………九四

汾陽無德禪師語錄(三卷) (宋)楚圓集……………一〇〇

黃龍慧南禪師語錄(一卷) (宋)惠泉集……………一三五

附黃龍慧南禪師語錄續補(一卷)	(日本)東峻輯	一四二
楊岐方會和尚語錄(一卷)	(宋)仁勇等編	一四六
楊岐方會和尚後錄(一卷)		一五二
法演禪師語錄(三卷)	(宋)才良等編	一五五
明覺禪師語錄(六卷)	(宋)惟蓋竺等編	一七五
附明州雪竇山資聖寺第六祖明覺大師塔銘	(宋)呂夏卿撰	二一八
圓悟佛果禪師語錄(二十卷)	(宋)紹隆等編	二一九
大慧普覺禪師語錄(三十卷)	(宋)蘊聞編	三一七
大慧普覺禪師宗門武庫(一卷)	(宋)道謙編	四四九
密庵和尚語錄(一卷)	(宋)崇岳 了悟等編	四六三
虛堂和尚語錄(十卷)	(宋)妙源等編	四九〇
宏智禪師廣錄(九卷)	(宋)集成等編	五七一
如淨和尚語錄(二卷)	(宋)文素等編	六九一
天童山景德寺如淨禪師續語錄(一卷)	(宋)義遠編	七〇三
佛果圓悟禪師碧巖錄(十卷)	(宋)重顯頌古 克勤評唱	七〇九

萬松老人評唱天童覺和尚頌古從容庵錄(六卷)	(宋)正覺頌古	(元)行秀評唱	七九六
無門關(一卷)	(宋)宗紹編		八六二
人天眼目(六卷)	(宋)智昭集		八七〇
後記			一



臨濟慧照玄公大宗師語錄序

曹溪派列，洶涌而流注無窮。南嶽岐分，嶽峩而

聯綿不盡，雲仍曼衍，枝葉滋榮。非止蔭覆人天，抑亦光揚祖道。無說之說，須知意不在言，無聞之聞，果信言非有意。此皆理極無喻之道。緒餘影響者也。故臨濟祖師以正法眼，明涅槃心，與大智大慈，運大機大用，棒頭喝下，勦絕凡情，電掣星馳，卒難搆副，豈容擬議。那許追思，非唯鷄過新羅，欲使鳳趨霄漢，不留踪跡，透脫玄關。今三界迷徒，歸一真實際，天下英流，莫不仰瞻。為一宗之祖理當然也。今總統雪堂禪師，乃臨濟十八代孫，河北江南遍尋是錄，偶至餘杭，得獲是本。如貧得寶，似暗得燈，踊躍歡呼，不勝感激。遂捨長財，繡梓流通，依施諸利。此一端奇事，寧千載難逢，嘆擲地金聲，聞四海。定知珠玉價難酬。元貞二年歲次丁未，大都報恩禪寺住持嗣祖，林泉老人從倫，臨手焚香，謹序。

臨濟慧照玄公大宗師語錄序

佛伽梵正法眼藏，涅槃妙心，付摩訶迦葉。是為第一祖。逮二十八祖，菩提達磨，提十方三世諸佛密印而來震旦。是時中國始知佛法。

廣州臨濟慧照禪師語錄

有敘外別傳，不立文字，直指人心，見性成佛。厥後優鉢羅花於時出現，芬芳馥郁。一華五葉，香風匝地，寶色照天。各放無量光明，輝映大千世界。其中一大芻蕘，為一大事因緣。依棲黃蘗山中，三度參請，三度被打。後向高安灘頭大愚老師處，始全印證。平生用金剛王寶劍，逢凡殺凡。逢聖殺聖，風行草偃，號令八方。如雲象王，如金毛獅子，踞地哮吼，狐狸野干心，破腦裂百獸見之，無不股慄。如鷲嶺峻崖壁立萬仞，使途中之人，其行次且不敢舉足下足。惟恐喪身失命，離老子錯槌者，見之無不汗下。若夫三玄三要，奪境奪人，金章玉句，如風掃陣馬，如遇雷奔，雲凌驟波濤，穿穴嶮固，破碎陣敵。天回地轉，七縱八橫，幾於截斷衆流。四海學徒，莫不望風披靡。故門庭峻峭，孤硬難入。蓋妙用功夫，不在文字，不離文字。盡大地作一隻眼者，乃能識之。末後將正法眼藏，却向臨臨邊說却。師之出處，具載傳燈等錄。茲不復贅。自興化獎公而下，子孫雲仍最為蕃衍盛大。多大根器人，冠映河嶽。騰耀古今，在在處處。法席叢林，化俗談真，重規疊矩，出廣長舌相。為人開堂演法。如慈明四公，琅琊覺公，皆大法王，人天師也。今雪堂大禪師，臨濟十八代嫡孫，琅琊第十世的派。王臣尊禮，繙素嚮慕。是亦僧中之龍象，爾不忘祖師恩德。每恨臨濟一言一句，一棒一喝，參承語決，升堂入室，語錄未大發明。刻梓流行，用廣禪林觀聽。仍求北山居士郭天錫，為作序引，嗚呼雪堂老師，行從上祖師，難能之

事。慎終追遠，知恩報恩，則不無。將五百年風韻老，漢吐下唾，剛重新拈出供養。今代衲僧，還肯咀嚼，合浦還珠，固為奇特。冷灰爆豆，亦自不妨。

大德二年八月，前監察御史郭天錫焚香九拜書。

臨濟慧照玄公大宗師語錄序

竊以黃蘗山高，便敢當頭持虎渡陀岸，遠亦能順水操舟。既露惡毒爪牙，仍顯慈悲手段。翻腮一掌，免煩著齒粘唇。劈肋三拳，可謂傾心吐膽。三玄在手，七事隨身。觸之則石裂崖崩，擬之則雷轟電掣。門庭孤峻，闔奧宏深。只可望崖，不可趣向。茲者總統雪堂和尚，憫巴歌唱而和琴，嗟雪曲彈而應稀。語錄闕文，叢林罕見。遂旁求釋子，而再起斯文。欲鏤板以廣流通。俾參玄而得受用，弘揚祖道。垂裕後昆。棒頭喝下，須明石火電光。正案傍提，要顧眉毛鼻孔。其他機緣備載前錄，不勞再舉。噫，臨濟祖師六傳而至汾陽大宗師，汾陽下傑出六大尊者。曰慈明圓，曰琅琊覺，曰傳陽岐會，曰傳白雲端，曰傳五祖演，曰傳佛果勤，曰傳鑑天目齊，曰傳佛果虎丘隆，曰傳大慧果，曰傳虎丘隆，曰傳應菴華，曰傳密菴傑，曰傳松源岳，曰傳無德通，曰傳虛舟度，曰傳徑山虎巖伏，曰傳天目齊，曰傳汝州和，曰傳竹林寶，曰傳竹林安，曰傳竹林海，曰傳慶壽璋，曰傳一歸靈，宜宣傳牛山英。

○永亨九年版德富猪一郎氏藏本，○增上寺報恩親明本古障語錄之內，○宮內省圖書寮藏本，○慶安二年版大谷大學藏本，○延享三年版德富猪一郎氏藏本，明本宮本甲本乙本俱無此序，○明本宮本甲本乙本俱無此序，○明本宮本甲本乙本俱無此序。

白濁一傳冲虛防懶收歸。慶壽瑋傳海雲大宗師竹林秀。發傳龍華惠。海雲傳可菴朗龍宮玉頤菴。可菴傳太傅劉文貞公慶壽滿。龍宮玉傳大名海。頤菴傳慶壽安。琅琊覺傳渤溟月。月傳毘陵真。真傳白水白。白傳天寧黨黨傳慈照純。純傳鄒州寶。寶傳竹林藏慶壽亭少林鑑。慶壽亭傳東平汴大原昭。少林鑑傳法王通。通傳安閑覺。覺傳南京智西菴贊。南京智傳壽峯洪。西菴贊傳雪堂仁。雪堂乃臨濟十八世孫也。莫不門庭孤峻機辯縱橫。俱是克家子孫。燈燈續焰直至今。可謂源清流長。此之謂也。雪堂禪師乃吾三世祖。囑子爲序。率爾書之。腦後見腮。頂門具眼者。大發一笑。開泰退堂。製祖第二十世孫五峯普秀齋沐焚香拜書。

鎮州臨濟慧照禪師語錄序

延康殿學士金紫光祿大夫真定府路安撫使兼馬步軍都總管兼知成德軍府事 馬防禦

黃葉山頭曾遭痛棒。大愚肋下。方解築架。饒舌老婆。尿床鬼子。這風顛淡。再持虎鬚。巖谷栽松。後人標榜。鏗頭斷地。幾被活埋。背窗後生。口自擱。辭焚机案。坐斷舌頭。不是河南。便歸河北。院臨古渡。運濟往來。把定要津。壁立萬仞。奪人奪境。陶鑄仙陀。三要三玄。鈴鐘衲子。常在家舍。不離途中。無位真人。前門出

入。兩堂齊喝。賓主歷然。照用同時。本無前後。菱花對像。虛谷傳聲。妙應無方。不留朕跡。拂衣南邁。戾止大名。興化師承。東堂迎侍。銅瓶鐵鉢。掩室杜詞。松老雲閑。曠然自適。面壁未幾。密付將終。正法誰傳。瞎驢邊滅。圓覺老漢。今爲流通。點檢將來。故無差舛。唯除一喝。尙要商量。具眼禪流。冀無賺舉。宣和庚子中秋日謹序

鎮州臨濟慧照禪師語錄

住三聖嗣法小師慧然集

府主王常侍與諸官請師升座。師上堂云。山僧今日事不獲已。曲順人情。方登此座。若約祖宗門下。稱揚大事。直是開口不得。無爾措足處。山僧此日以常侍堅請。那隱綱宗。還有作家戰將。直下展陣開旗。對眾證據。看僧問。如何是佛法大意。師便喝。僧禮拜。師云。這箇師僧。却堪持論。問師唱誰家曲。宗風嗣阿誰。師云。我在黃蘗處。三度發問。三度被打。僧擬議。師便喝。隨後打云。不可向虛空裏釘概去也。有座主問。三乘十二分教。豈不是明佛性。師云。荒草不會鋤。主云。佛豈賺人也。師云。佛在什麼處。主無語。師云。對常侍前擬瞞老僧。速退速退。妨他別人諸問。復云。此日法筵爲一大事故。更有問話者麼。連致問來。爾纔開口。早勿交涉也。何以如此。不見釋尊云。法離文字。不屬因不在緣。故爲爾信不及。

所以今日葛藤。恐滯常侍與諸官員。味他佛性。不如且退喝一喝云。少信根人終無了日。久立珍重。師。因一日到。河府。府主王常侍請師升座。時麻谷出問。大悲千手眼。那箇是正眼。師云。大悲千手眼。那箇是正眼。速道速道。麻谷拽師下座。麻谷却坐。師近前云。不審。麻谷擬議。師亦拽麻谷下座。師却坐。麻谷便出去。師便下座。

上堂云。赤肉團上有一無位真人。常從汝等諸人面門出入。未證據者看看。時有僧出問。如何是無位真人。師下福床把住云。道道。其僧擬議。師托開云。無位真人是什麼乾屎橛。便歸方丈。

上堂。有僧出禮拜。師便喝。僧云。老和尚莫探頭好。師云。道道落在什麼處。僧便喝。又有僧問。如何是佛法大意。師便喝。僧禮拜。師云。爾道好喝也無。僧云。草賊大敗。師云。過在什麼處。僧云。再犯不容。師便喝。是日兩堂首座相見。同時下喝。僧問師。還有賓主也無。師云。賓主歷然。師云。大眾要會臨濟賓主句。問取堂中二首座。便下座。

上堂。僧問。如何是佛法大意。師竖起拂子。僧便喝。師便打。又僧問。如何是佛法大意。師亦竖起拂子。僧便喝。師亦喝。僧擬議。師便打。師乃云。大眾。夫爲法者。不避喪身失命。我二十年在黃蘗先師處。三度問佛法的的大意。三度蒙他賜杖。如蒿枝拂著相似。如今更思得一頓棒喫。誰人爲我行得。時有僧出衆

○明本宮本甲本無此序 ○(鎮州)一 ○(錄)一 ○(住三集)十字二(嗣黃葉)三字 ○(因)一 ○(河)十(北) ○(上堂)云一 ○(上堂)一

云某甲行得師拈棒與他其僧擬接師便打  
\*上堂僧問如何是劍刃上事師云禱事禍  
事僧擬議師便打問祇如石室行者踏確忘  
却移脚向什麼處去師云沒溺深泉師乃  
云但有來者不虧欠伊總說伊來處若與麼  
來恰似失却不與麼來無繩自縛一切時中  
莫亂斟酌會與不會都來是錯分明與麼道  
一任天下人貶剝久立珍重

\*上堂云一人在孤峯頂上無出身之路一  
人在十字街頭亦無向背那箇在前那箇在  
後不作難麼語不作傳大士珍重

\*上堂云有一人論劫在途中不離家舍有  
一人離家舍不在途中那箇合受人天供養  
便下座

\*上堂僧問如何是第一句師云三要印開  
朱點側未容擬議主資分問如何是第二  
句師云妙解豈容無著問溫和爭負截流機  
問如何是第三句師云看取柳頭弄傀儡抽  
牽都來裏有人師又云一句語須具三玄  
門一玄門須具三要有權有用汝等諸人作  
麼生會下座

師晚參示衆云有時奪人不奪境有時奪境  
不奪人有時人境俱奪有時人境俱不奪時  
有僧問如何是奪人不奪境師云照日發生  
鋪地錦瓔孩垂髮白如絲僧云如何是奪境  
不奪人師云王令已行天下遍將軍塞外絕  
烟塵僧云如何是人境兩俱奪師云并汾絕  
信獨處一方僧云如何是人境俱不奪師云  
王登寶殿野老謳歌師乃云今時學佛法者

且要求真正見解若得真正見解生死不染  
去住自由不要求殊勝殊勝自至道流祇如  
自古先德皆有出人底路如山僧指示人處  
祇要爾不受人惑要用便用更莫遲疑如今  
學者不得病在甚處病在不自信處爾若自  
信不及即便忙忙地徇一切境轉被他萬  
境回換不得自由爾若能歇得念念馳求心  
便與祖佛不別爾欲得識祖佛祇爾面前  
聽法底是學人信不及便向外馳求說求得  
者皆是文字勝相終不得他活祖意莫錯諸  
禪德此時不遇萬劫千生輪回三界\*徇好  
境撥去驢牛肚裏生道流約山僧見處與釋  
迦不別今日多般用處欠少什麼六道神光  
未曾問歇若能如是見得祇是一生無事人  
大德三界無安猶如火宅此不是爾久停住  
處無常殺鬼一剎那間不揀貴賤老少爾要  
與祖佛不別但莫外求爾一念心上清淨光  
是爾屋裏法身佛爾一念心上無分別光是  
爾屋裏報身佛爾一念心上無差別光是爾  
屋裏化身佛此三種身是爾即目前聽法  
底人祇爲不向外馳求有此功用據經論家  
取三種身為極則約山僧見處不然此三種  
身是名言亦是三種依古人云身依義立土  
據體論法性身法性土明知是光影大德爾  
且識取弄光影底人是諸佛之本源一切處  
是道流歸舍處是爾四大色身不解說法聽  
法脾胃肝膽不解說法聽法虛空不解說法  
聽法是什麼解說法聽法是爾目前歷歷底  
勿一箇形段孤明是這箇解說法聽法若如

是見得便與祖佛不別但一切時中更莫間  
斷觸目皆是祇爲情生智隔想變體殊所以  
輪回三界受種種苦若約山僧見處無不甚  
深無不解脫道流心法無形通貫十方在眼  
曰見在耳曰聞在鼻嗅香在口談論在手執  
捉在足運奔本是一精明分爲六和合一  
心既無隨處解脫山僧與麼說意在什麼處  
祇爲道流一切馳求心不能歇上他古人閑  
機道流取山僧見處坐斷報化佛頭十地  
滿心猶如客作兒等妙二覺擔枷鎖漢羅漢  
辟支猶如厠穢善提涅槃如緊驢轡何以如  
此祇爲道流不達三祇劫空所以有此障礙  
若是真正道人終不如是但能隨緣消舊業  
任運著衣裳要行即行要坐即坐無一念心  
希求佛果緣何如此古人云若欲作業求佛  
佛是生死大光大德時光可惜祇擬傍家波  
波地學禪學道認名認句求佛求祖求善知  
識意度莫錯道流爾祇有一箇父母更求何  
物爾自返照看古人云演若達多失却頭求  
心歇處即無事大德且要平常莫作模樣有  
一般不識好惡弄奴便即見神見鬼指東劃  
西好晴好雨如是之流盡須抵債向閻老前  
吞熱鐵丸有日好人家男女被這一般野狐  
精魅所著便即捏怪瞞瞞生索飯錢有日  
在

師示衆云道流切要求取真正見解向天下  
橫行免被這一般精魅惑亂無事是貴人但  
莫造作祇是平常爾擬向外傍家求過覓脚  
手錯了也祇擬求佛佛是名句爾還說馳求

○佛二罕○ ○來裏有一籍裏頭○ ○撰一嬰○ ○忙忙二茫茫○ ○物二執○ ○〔得〕一○ ○六二一○

底疑三世十方佛祖出來。也祇為求法。如今參學道流。也祇為求法。得法始了。未得依前輪回五道。云何是法。法者是心法。心法無形。通貫十方目前現用。八信不及。便乃認名認句。向文字中求意度佛法。天地懸殊。道流山僧說法。說什麼法。說心地法。便能入凡入聖。入淨入穢。入真入俗。要且不是爾真俗凡聖。能與一切真俗凡聖安著名字。真俗凡聖與此人安著名字不得。道流。把得便用更不著名字。號之為玄旨。山僧說法與天下人別。祇如有箇文殊普賢出來目前。各現一身開法。纔道否和尚。我早辨了也。老僧穩坐。更有道流來相見時。我識辨了也。何以如此。祇為我見處別。外不取凡聖。內不住根本。見徹更不疑。

師示眾云。道流。佛法無用功處。祇是平常無事。屙屎送尿。著衣喫飯。困來即臥。愚人笑我。智乃知焉。古人云。向外作工夫。總是癡頭漢。爾且隨處作主。立處皆真。境來回換不得。縱有從來習氣。五無間業。自為解脫大海。今時學者。總不識法。猶如獨鼻羊。逢著物安在口裏。奴郎不辨賓主不分。如是之流。邪心入道。鬧處即入不得。名為真出家人。正是真俗家人。夫出家者。須辨得平常真。正見解。辨佛辨魔。辨真辨偽。辨凡辨聖。若如是辨得。名真出家。若魔佛不辨。正是出一家人。喚作造業眾生。未得名為真出家。祇如今有一箇佛魔同體不分。如水乳合。鴉王喫乳。如明眼道流。魔佛俱打。爾若愛聖憎凡。生死海裏

浮沈

問如何是佛魔。師云。爾一念心疑處是。魔。爾若達得萬法無生。心如幻化。更無一塵一法。處處清淨。是佛。然佛與魔是染淨二境。約山僧見處。無佛無眾生。無古無今。得者便得。不歷時節。無修無證。無得無失。一切時中更無別法。設有一法過此者。我說如夢如化。山僧所說皆是。道流。即目前孤明歷歷地聽者。此人處處不滯。通貫十方。三界自在。入一切境。差別不能回換。一刹那間。透入法界。逢佛說佛。逢祖說祖。逢羅漢說羅漢。逢餓鬼說餓鬼。向一切處游履。國土教化眾生。未曾離一念。隨處清淨。光透十方。萬法一如。道流。大丈夫兒。今日方知本來無事。祇為爾信不及。念念馳求。捨頭覓頭。自不能歇。如圓頓菩薩。入法界現身。向淨土中厭凡忻聖。如此之流。取捨未忘。染淨心在。如禪宗見解。又且不然。直是現今更無時節。山僧說處。皆是一期藥病相治。總無實法。若如是見得。是真出家。日消萬兩黃金。道流。莫取次被諸方老師印破面門道。我解禪解道。辯似懸河。皆是造地獄業。若是真正學道人。不求世間過。切急要求真正見解。若達真正見。解圓明方始了畢。

問如何是真正見解。師云。爾但一切入凡入聖。入染入淨。入諸佛國土。入彌勒樓閣。入毘盧遮那法界。處處皆現國土。成住壞空。佛出于世。轉大法輪。却入涅槃。不見有去來相貌。求其生死了不可得。便入無生法界。處處游履國土。入華嚴世界。盡見諸法空相。皆無實法。唯有聽法無依過人。是諸佛之母。所以佛從無依生。若悟無依。佛亦無得。若如是見得者。是真正見解。學人不了為執名句。被他凡聖名礙。所以障其道眼。不得分明。祇如十二分教。皆是表顯之說。學者不會。便向表顯名句上生解。皆是依倚落在因果。未免三界生死。爾若欲得生死去住脫著自由。即今識取聽法底人。無形無相。無根無本。無住處。活潑潑地。應是萬種施設。用處祇是無處。所以覓著轉遠。求之轉乖。號之為秘密。道流。爾莫認著箇夢幻伴子。遲晚中間。便歸無常。爾向此世界中。覓箇什麼物作解脫。覓取一口飯喫。補過時。且要訪尋知識。莫因循逐樂。光陰可惜。念念無常。危則被地水火風。細則被生住異滅。四相所逼。道流。今時且要識取四種無相境。免被境攔撲。

問如何是四種無相境。師云。爾一念心疑被地來礙。爾一念心愛被水來溺。爾一念心嗔被火來燒。爾一念心喜被風來飄。若能如是辨得。不被境轉。處處用境。東涌西沒。南涌北沒。中涌邊沒。邊涌中沒。履水如地。履地如水。緣何如此。為達四大如夢如幻故。道流。爾祇今聽法者。不是爾四大能用爾四大。若能如是見得。便乃去住自由。約山僧見處。勿嫌底法。爾若愛聖。聖者聖之名。有一般學人。向五臺山裏求文殊。早錯了也。五臺山無文殊。爾欲識文殊麼。祇爾目前用處。始終不異。處處不疑。此箇是活文殊。爾一念心無差別光。處

●二二● ●工二功● ●(佛)十度● ●二取● ●實二定● ●二取二取●

處總是真普賢。爾一念心自能解縛。隨處解脫。此是觀音。三昧法。互為主伴。出則一時。入則三三即一。如是解得始好看教。師示衆云。如今學道人且要自信。莫向外覓。總上他閑塵境。都不辨邪正。祇如有祖有佛。皆是教迹中事。有人拈起一句子語。或隱顯中出。便即疑生。照天照地。傍家尋問。也大忙然。大丈夫兒。莫祇麼論主論賊。論是非。論色論財。論說閑話過日。山僧此間不論僧俗。但有來者盡識得伊。任伊向甚處出來。但有聲名文句。皆是夢幻。却見乘境底人。是諸佛之支旨。佛境不能自稱我是佛境。還是這箇無依道人。乘境出來。若有人出來問我求佛。我即應清淨境出。有人問我菩薩。我即應慈悲境出。有人問我菩提。我即應淨妙境出。有人問我涅槃。我即應寂靜境出。境即萬般差別。人即不別。所以應物現形。如水中月道流。爾若欲得如法。直須是大丈夫兒始得。若委委隨隨地。則不得也。夫如盤噶西下。之器。不堪貯醜醜。如大器者。直要不受人惑。隨處作主立處皆真。但有來者皆不得受爾一念疑。即慮入心。如菩薩疑時。生死魔得便。但能息念。更莫外求。物來則照。爾但信現今用底。一箇事也無。爾一念心生三界。隨緣被境分爲六塵。爾如今應用處。欠少什麼。一利那問便入淨。入穢。入彌勒樓閣。入三眼國土。處處遊履。唯見空名。問如何是三眼國土。師云。我共爾入淨妙國土中。著清淨衣。說法身佛。又入無差別國土。

中著無差別衣。說報身佛。又入解脫國土中。著光明衣。說化身佛。此三眼國土皆是依變約經論家。取法身爲根本。報化二身爲用。山僧見處法身即不解說法。所以古人云。身依義立。土據體論。法性身法性土。明知是建立之法。依通國土。空拳黃葉用誑小兒。蕪蕪刺枯骨上覓什麼汁。心外無法。內亦不可得。求什麼物。爾諸方言道。有修有證。莫錯。設有修得者。皆是生死業。爾言六度萬行齊修。我見皆是造業。求佛求法。即是造地獄業。求菩薩亦是造業。看經看教亦是造業。佛與祖師是無事人。所以有漏有爲。無漏無爲。爲清淨業。有一般瞎禿子。飽喫飯了。便坐禪觀行。把捉念漏不令放起。厭喧求靜。是外道法。祖師云。爾若住心看靜。舉心外照。攝心內澄。凝心入定。如是之流。皆是造作。是爾如今與麼聽法底人。作麼生擬修他。證他。莊嚴他。渠且不是修底物。不是莊嚴得底物。若教他莊嚴。一切物即莊嚴得。爾且莫錯道流。爾取這一般老師口裏語。爲是真道。是善知識。不思議。我是凡夫心。不敢測度他老宿。瞎屢生。爾一生紙作這箇見解。辜負這一雙眼。冷嚙嚙地。如凍凌上驢駒相似。我不敢毀善知識。怕生口業。道流夫大善知識。始教毀佛毀祖。是非天下。排斥三藏教。罵辱諸小兒。向逆順中覓人。所以我於十二年中。求一箇業性。知芥子許不可得。若似新婦子禪師。便即怕趁出院。不與飯喫。不安不樂。自古先輩。到處人不信。被遞出始知是貴。若到處人盡肯攝作什

麼。所以師子一吼。野干腦裂。道流。諸方說有道可修。有法可證。爾說證何法。修何道。爾今用處欠少什麼物。修補何處。後生小阿師不會。便即信這般野狐精魅。許他說事繫縛人。言道理行相應。護惜三業。始得成佛。如此說者。如春細雨。古人云。路逢達道人。第一莫向道。所以言若人修道道不行。萬般邪境競頭生。智劍出來無一物。明頭未顯暗頭明。所以古人云。平常心是道。大德。覓什麼物。現今目前聽法無依道人。歷歷地分明。未曾欠少。爾若欲得與祖佛不別。但如是見。不用疑誤。爾心心不異。名之活祖。心若有異。則性相別。心不異故。即性相不別。問如何是心心不異處。師云。爾擬問早異了也。性相各分。道流莫錯。世出世諸法。皆無自性。亦無生性。但有空名。名字亦空。爾祇麼認他閑名爲實。大錯了也。設有皆是依變之境。有箇菩提。依涅槃。依解脫。依三身。依境智。依菩薩。依佛。爾向依變國土中。覓什麼物。乃至三乘十二分教。皆是拭不淨故紙。佛是幻化身。祖是老比丘。爾還是娘生已否。爾若求佛。即被佛魔攝。爾若求祖。即被祖魔縛。爾若有求皆苦。不如無事。有一般禿比丘。向學人道。佛是究竟。於三大阿僧祇劫。修行果滿。方始成道。道流。爾若道佛是究竟。緣什麼八十年後。向拘尸羅城雙林樹間。臥而死。佛今何在。明知與我生死不別。爾言三十二相八十種好。是佛。轉輪聖王。應是如來。明知是幻化。古人云。如來舉身相。爲順世間情。

恐人生斷見。權且立虛名。假冒三十二。八十也空聲。有身非身。體無相乃真形。爾道佛有六通。是不可思議。一切諸天神仙阿修羅大力鬼亦有神通。應是佛否。道流莫錯。祇如阿修羅與天帝釋戰。戰敗領八萬四千眷屬。入藕絲孔中藏。莫是聖否。如山僧所學。皆是業通依通。夫如佛六通者不然。入色界不被色惑。入聲界不被聲惑。入香界不被香惑。入味界不被味惑。入觸界不被觸惑。入法界不被法惑。所以達六種色聲香味觸法皆是空相。不能緊縛此無依道人。雖是五蘊漏質。便是地行神通。道流。真佛無形真法無相。爾祇聽幻化上頭作模樣。說求得者。皆是野狐精。魅並不是真佛。是外道見解。夫如其學道人。並不取佛。不取菩薩羅漢。不取三界殊勝。迥無獨脫不與物拘。乾坤倒覆我更不疑。十方諸佛現前。為一念心喜。三塗地獄頓現。無一念心怖。緣何如此。我見諸法空相。變即有。不變即無。三界唯心萬法唯識。所以夢幻空花何勞把捉。唯有道流目前現今聽法底人。入火不燒。入水不溺。入三塗地獄。如遊園觀。入餓鬼畜生而不受報。緣何如此。無嫌底法。爾若愛聖憎凡。生死海裏沈浮。煩惱由心故有。無心煩惱何拘。不勞分別取相。自然得道須臾。爾擬傍家波地學得。於三祇劫中終歸生死。不如無事向叢林中床角頭交脚坐。道流。如諸方有學人來。主客相見了。便有一句子語。辨前頭善知識。被學人拈出箇權權語路。向善知識口角頭攬過。看爾識不識。爾若

識得是塊。把得便拋向坑子裏。學人便即尋常然後便索善知識語。依前眷之。學人云。上智哉。是大善知識。即云。爾大不識好惡。如善知識。把出箇塊子。向學人面前弄前人辨得。下下作主。不受境惑。善知識便即現半身。學人便喝。善知識又入一切差別語路中。擺撲。學人云。不識好惡老秃奴。善知識曰。真正道流。如諸方善知識。不辨邪正。學人來問善提涅槃三身境界。陸老師便與他解說。被他學人罵著。便把棒打他言無禮度。自是爾善知識無眼。不得噴他。有一般不識好惡秃奴。即指東劃西。好晴好雨。好燈籠露柱。爾看眉毛有幾莖。這箇具機緣。學人不會。便即心狂。如是之流。總是野狐精。魅。被他好學人嗔嗔微笑。言。陸老秃奴惑亂他天下人。道流。出家兒且要學道。祇如山僧。往日曾向毘尼中留心。亦曾於經論尋討。後方知是濟世藥。表顯之說。遂乃一時拋却。即訪道參禪。後遇大善知識。方乃道眼分明。始識得天下老和尚。知其邪正。不是娘生下便會。還是體究。練磨一朝自省。道流。爾欲得如法見解。但莫受人惑。向裏向外。逢著便殺。逢佛殺佛。逢祖殺祖。逢羅漢殺羅漢。逢父母殺父母。逢親眷殺親眷。始得解脫。不與物拘。透脫自在。如諸方學道流。未有不依物出來底。山僧向此間從頭打。手上出來。手上打。口裏出來。口裏打。眼裏出來。眼裏打。未有一箇獨脫出來底。皆是上他古人。閑機境。山僧。無一法與人。祇是治病解縛。爾諸方道流。試不依物出

來。我要共爾商量。十年五歲並無一人。皆是依草附葉。竹木精靈。野狐精。魅。向一切糞塊上亂咬。陸漢在消他十方信施。道我是出家兒。作如是見解。向爾道。無佛無法。無修無證。祇與婆家擬求什麼物。陸漢頭上安頭。是爾欠少什麼。道流。是爾目前用底。與祖佛不別。祇不信便向外求。莫錯向外無法。內亦不可得。爾取山僧口裏語。不如休歇無事去。已起者莫續。未起者不要放起。便勝爾十年行脚。約山僧見處。無如許多般。祇是平常著衣喫飯。無事過時。爾諸方來者。皆是有心求佛求法。求解脫。求出離三界。癡人。爾要出三界。什麼處去。佛祖是賞緊底名句。爾欲識三界。不離爾今聽法底心地。爾一念心貪是欲界。爾一念心瞋是色界。爾一念心癡是無色界。是爾屋裏家具子。三界不自道。我是三界。還是道流目前靈靈地。照燭萬般。酌度世界底人。與三界安名。大德。四大色身是無常。乃至脾胃肝膽髮毛爪齒。唯見諸法空相。爾一念心歇得處。喚作菩提樹。爾一念心不能歇得處。喚作無明樹。無明無住處。無明無始終。爾若念念心歇不得。便上他無明樹。便入六道四生。披毛戴角。爾若歇得。便是清淨身界。爾一念不生。便是上菩提樹。三界神通變化。意生化身。法喜禪悅。身光自照。思衣羅綺。千重。思食百味。具足。更無橫病。菩提無住處。是故無得者。道流。大丈夫漢。更疑箇什麼。目前用處。更是阿誰。把得便用。莫著名字。號為玄旨。與爾見得。勿嫌底法。古人云。心隨萬

●下下二了不●●●親眷二眷屬●●\*

境轉轉處實能幽。隨流認得性，無喜亦無憂。道流。如禪宗見解，死活循然。參學之人，大須子細。如主客相見，便有言論往來，或應物現形，或全體作用，或起機權喜怒，或現身半身，或乘師子，或乘象王。如有真正學人，便喝先拈出一箇膠盆子。善知識不辨是境，便上他境上作模作樣。學人便喝，前人不肯放，此是膏肓之病，不堪醫。喚作客看主，或是善知識不拈出物，隨學人問處，即奪。學人被奪，抵死不放。此是主看客，或有學人，應一箇清淨境出，善知識前，善知識辨得是境，把得拋向坑裏。學人言：大好善知識，即云：咄哉！不識好惡。學人便禮拜。此喚作主看主，或有學人，披枷帶鎖，出善知識前，善知識更與安一重枷鎖。學人歡喜，彼此不辨，呼爲客看客。大德：山僧如是所學，皆是辨魔揀異。知其邪正，道流：寔情大難。佛法幽玄，解得可地。山僧竟日與他說破，學者總不在意。千遍萬遍，腳底踏過，黑沒燒地。無一箇形段，歷歷孤明。學人信不及，便向名句上生解。年登半百，祇管傍家負死屍行。擔却擔子天下走，索草鞋錢有日在。大德：山僧說向外無法，學人不信，便即向裏作解。便即倚壁坐，舌拄上齶，湛然不動。取此爲是。祖門佛法也。大錯。是爾若取不動清淨境爲是。爾即認他無明爲郎主。古人云：湛湛黑黯深坑，寔可怖畏。此之是也。爾若認他動者是。一切草木皆解動。應可是道也。所以動者是風大，不動者是地大。動與不動，俱無自性。爾若向動處捉他，他向不動處立。爾若向

不動處捉他，他向動處立。譬如潛泉魚鼓波而自躍。大德：動與不動，是二種境。還是無依道人用動用不動。如諸方學人來。山僧此間作三種根器。如中下根器來，我便奪其境，而不除其法。或中上根器來，我便境法俱奪。如中上根器來，我便境法俱不奪。如有出格見解人來。山僧此間便全體作用不歷根器。大德：到這裏學人著力處不通風。石火電光，即過了也。學人若眼定動，即沒交涉。擬心即差。動念即乖。有人解者不離目前。大德：爾擔鉢囊尿擔子，傍家走求佛求法。即今與爾馳求底。爾還識渠麼。活潑潑地。祇是勿根株。擔不聚撥不散。求著即轉遠。不求還在目前。靈音屬耳。若人不信，徒勞百年。道流：一刹那間，便入華藏世界。入毘盧遮那國土。入解脫國土。入神通國土。入清淨國土。入法界。入穢入淨。入凡入聖。入餓鬼畜生。處處討覓尋皆不見。有生有死。唯有空名。幻化空花。不勞把捉。得失是非。一時放却。道流：山僧佛法的的相承。從麻谷和尚丹霞和尚道一和尚廬山搜石頭和尚。一路行遍天下。無人信得。盡皆起謗。如道一和尚用處。純一無雜。學人三百五百。盡皆不見他意。如廬山和尚。自在真正順逆用處。學人不測。滌際。悉皆忙然。如丹霞和尚。翫珠隱顯。學人來者皆悉被罵。如麻谷用處。苦如黃蘗。近皆不得。如石叢用處。向箭頭上覓人。來者皆懼。如山僧今日用處。真正成壞。翫弄神變。入一切境。隨處無事。境不能換。但有來求者。我即便出看渠。渠不

識我。我便著數般衣。學人生解。一向入我言句。苦哉瞎禿子。無眼人把我著底衣。認青黃赤白。我脫却入清淨境中。學人一見便生忻欲。我又脫却。學人失心。忙然狂走。我無衣。我即向渠道：爾識我著衣底人否。忽爾回頭。認我了也。大德：爾莫認衣。衣不能動。人能著衣。有箇清淨衣。有箇無生衣。菩提衣。涅槃衣。有祖衣。有佛衣。大德：但有聲名文句。皆悉是衣。從臍輪氣海中鼓激。牙齒敲磕。成其句義。明知是幻化。大德：外發聲語業。內表心所法。以思有念。皆悉是衣。爾祇認他著底衣爲寔解。縱經塵劫。祇是衣通。三界循環輪回生死。不如無事。相逢不相識。共語不知名。今時學人不得。蓋爲認名字爲解。大策子上抄死老漢語。三重五重。複子裏。不教人見。道是玄旨。以爲保重。大錯。踏屢生。爾向枯骨上覓什麼汁。有一般不識好惡。向教中取意度商量。成於句義。如把屎塊子向口裏含了吐過與別人。猶如俗人打傳口令相似。一生虛過也。道我家被他問著佛法。便即杜口無詞。眼似漆突。口如爛擔。如此之類。遂彌勒出世。移置他方世界。寄地獄受苦。大德：爾波波地往諸方覓什麼物。踏爾脚板。爾無佛可求。無道可成。無法可得。外求有相佛。與汝不相似。欲識汝本心。非合亦非離。道流：真佛無形。真道無體。真法無相。三法混融和一處。辨既不得。喚作忙忙業識衆生。問如何是真佛真法真道。乞垂開示。師云：佛者心清淨是。法者心光明是。道者處處無礙

淨光是三即一皆是空名。而無定有。如真正學道人。念空心不間斷。自達磨大師從西土來。祇是覓箇不受人惑底人。後遇二祖。一言便了。始知從前虛用功夫。山僧今日見處與祖佛不別。若第一句中得與祖佛為師。若第二句中得與天人為師。若第三句中得。自救不了。

問如何是西來意。師云若有意。自救不了。云既無意。云何二祖得法。師云得者是不得。云既若不得。云何是不得底意。師云為爾向一切處馳求。心不能歇。所以祖師言。咄哉丈夫。將頭覓頭。爾言下便自回光返照。更不別求。知身心與祖佛不別。當下無事。方名得法。大德。山僧今時事不獲已。話度。說出許多不才淨。爾且莫錯。據我見處。寔無許多般道理。要用便用。不用便休。祇如諸方說六度萬行。以為佛法。我道是莊嚴門佛事門。非是佛法。乃至持齋持戒。禁油不潤。道眼不明。盡須抵債。索飯錢有日在。何故如此。入道不通理。復身還信施。長者八十一。其樹不生耳。乃至孤峯獨宿。一食卯齋。長坐不臥。六時行道。皆是造業底人。乃至頭目髓腦。國城妻子象馬七珍。盡皆捨施。如是等見。皆是苦身心故。還招苦果。不如無事。純一無雜。乃至十地滿心菩薩。皆求此道流蹤跡。了不可得。所以諸天歡喜。地神捧足。十方諸佛。無不稱歎。緣何如此。為今聽法道人。用處無蹤跡。

大通者。是自己。於處處達其萬法。無性無相。名為大通。智勝者。於一切處不疑。不得一法。名為智勝。佛者。心清淨光明。透徹法界。得名為佛。十劫坐道場者。十波羅密是。佛法不現前者。佛本不生。法本不滅。云何更有現前。不得成佛道者。佛不應更作佛。古人云。佛常在世間。而不染世間法。道流。爾欲得作佛。莫隨萬物。心生種種法生。心滅種種法滅。一心不生。萬法無咎。世與出世。無佛無法。亦不現前。亦不會失。設有者。皆是名言章句。接引小兒。施設藥病。表顯名句。且名句不自名句。還是爾目前。昭昭靈靈。靈靈覺。聞知照燭底。安一切名句。大德。造五無間業。方得解脫。

問如何是五無間業。師云。殺父母。出佛身。血。破和合僧。焚燒經像等。此是五無間業。云如何是父。師云。無明是父。爾一念心求起滅。處不得。如響應空。隨處無事。名為殺父。云如何是母。師云。貪愛為母。爾一念心入欲界中。求其貪愛。唯見諸法空相。處處無著。名為害母。云如何是出佛身血。師云。爾向清淨法界中。無一念心生解。便處處黑暗。是出佛身血。云如何是破和合僧。師云。爾一念心正。遠煩惱。結使如空無所依。是破和合僧。云如何是焚燒經像。師云。見因緣空。心空法空。一念決定斷。迥然無事。便是焚燒經像。大德。若如是達得。免被他凡聖名礙。爾一念心。祇向空拳指上。生寔解。根境法中。虛捏怪。自輕而退。屈言。我是凡夫。他是聖人。禿屢生。有甚死急。披他師子皮。却作野干鳴。大丈夫漢。不作丈夫氣。息。自家屋裏物。不肯信。祇向外覓。上他古人。閉名句。倚陰博陽。不能特達。逢境便緣。逢塵便執。觸處惑起。自無准定。道流。莫取山僧說處。何故說無憑據。一期問圖畫。虛空。如彩畫像等喻。道流。莫將佛為究竟。我見猶如。圓孔。菩薩羅漢。盡是枷鎖。縛人底物。所以文殊仗劍。殺於須彌。鷲持刀。害於釋氏。道流。無佛可得。乃至三乘五性。四顯教迹。皆是一期藥病。相治。並無實法。設有皆是相似。表顯路布。文字差排。且如是說。道流。有一般禿子。便向裏許著功。擬求出世之法。錯了也。若人求佛。是人失佛。若人求道。是人失道。若人求祖。是人失祖。大德。莫錯。我且不取爾辯解。論我亦不取爾國王大臣。我亦不取爾辯解。似懸河。我亦不取爾聰明智慧。唯要爾真見解。道流。設解得百本經論。不如一箇無事。底阿師。爾解得。即輕蔑他人。勝負修羅。人我無明。長地獄業。如善星比丘。解十二分教。生身陷地獄。大地不容。不如無事。休歇去。飢來喫飯。睡來合眼。愚人笑我。智乃知焉。道流。莫向文字中求。心動疲勞。吸冷氣無益。不如一念緣起。無生。超出三乘。權學菩薩。大德。莫因循過日。山僧往日。未有見處時。黑漫漫地。光陰不可空過。腹熱心忙。奔波訪道。後還得力。始到今日。共道流。如是話度。勸諸道流。莫為衣食。看世界易過。善知識難遇。如優曇花。時一現耳。爾許方聞道。有箇臨濟老漢出來。便擬問難。教語不得。被山僧全體作用。學人空開得眼。口總動不得。憤然不知。以何答我。我



向伊道。龍象蹴踏非驢所堪。爾語處祇指胸  
點肋。道我解禪解道。三箇兩箇到這裏不奈  
何。咄哉。爾將這箇身心。到處簸兩片皮。誑譎  
閻閻。喫鐵棒有日在。非出家兒。盡向阿修羅  
界搦。夫如至理之道。非辯論而求激揚。鏗鏘  
以摧外道。至於佛祖相承。更無別意。設有言  
教。落在化儀三乘五性人天因果。如圓頓之  
教。又且不然。童子善財皆不求過大德。莫錯  
用心。如大海不停死屍。祇麼擔却擬天下走。  
自起見障以礙於心。日上無雲。麗天普照。眼  
中無翳。空裏無花。道流。爾欲得如法。但莫  
生疑。展則彌綸法界。收則絲髮不立。歷歷孤  
明未會。欠少。眼不見耳不聞。喚作什麼物。古  
人云。說似一物則不中。爾但自家看。更有什  
麼。說亦無盡。各自著力。珍重。

勸辨

黃蘗因入厨次問飯頭。作什麼。飯頭云。揀來  
僧米。黃蘗云。一日喫多少。飯頭云。二石五。  
黃蘗云。莫太多麼。飯頭云。猶恐少在。黃蘗便  
打飯頭却舉似師。師云。我爲汝勘這老漢。纔  
到侍立次。黃蘗舉前話。師云。飯頭不會。請和  
尙代一轉語。師便問。莫太多麼。黃蘗云。何不  
道來日更喫一頓。師云。說什麼來日。即今便  
喫。道了便拿黃蘗云。這風顛漢。又來這裏將  
虎鬚。師便喝出去。後溪山問仰山。此二尊宿  
意作麼生。仰山云。和尙作麼生。溪山云。養子  
方知父慈。仰山云。不然。溪山云。子又作麼生。  
仰山云。大似勾賊破家。  
師問僧。什麼處來。僧便喝。師便揖坐。僧擬議。

師便打。師見僧來便豎起拂子。僧禮拜。師便  
打。又見僧來亦豎起拂子。僧不願。師亦打。  
師一日同普化赴施主家齋次。師問。毛吞巨  
海芥納須彌。爲是神通妙用。本體如然。普化  
踏倒飯床。師云。太龜生。普化云。這裏是什麼  
所在。說龜說細。師來日又同普化赴齋。問今  
日供養何似。昨日。普化依前踏倒飯床。師云。  
得即得太龜生。普化云。踏漢。佛法說什麼  
龜細。師乃吐舌。

師一日與河陽木塔長老。同在僧堂地爐內  
坐。因說。普化每日在街市製風掣顛。知他是  
凡是聖。言猶未了。普化入來。師便問。汝是凡  
是聖。普化云。汝且道。我是凡是聖。師便喝。  
普化以手指云。河陽新婦子。木塔老婆禪。臨  
濟小厮兒。却具一隻眼。師云。這賊。普化云。賊  
賊便出去。

一日普化在僧堂前喫生菜。師見云。大似一  
頭驢。普化便作驢鳴。師云。這賊。普化云。賊賊。  
便出去。  
因普化常於街市搖鈴云。明頭來明頭打。暗  
頭來暗頭打。四方八面來旋風打。虛空來連架  
打。師令侍者去。纔見如是道。便把住云。總不  
與麼來時如何。普化托開云。來日大悲院裏  
有齋。侍者回舉似師。師云。我從來疑著這漢。  
有一老宿參師。未曾入人事便問。禮拜即是。不  
禮拜即是。師便喝。老宿便禮拜。師云。好箇草  
賊。老宿云。賊賊。便出去。師云。莫道無事好。  
首座侍立次。師云。還有過也無。首座云。有。師  
云。寶家有過。主家有過。首座云。二俱有過。

師云。過在什麼處。首座便出去。師云。莫道無  
事好。後有僧舉似南泉。南泉云。官馬相踏。  
師因入軍營赴齋。門首見員僚。師指露柱問。  
是凡是聖。員僚無語。師打露柱云。直饒道得。  
也祇是箇木檝。便入去。

師問院主。什麼處來。主云。州中糶黃米去來。  
師云。糶得盡麼。主云。糶得盡。師以杖面前畫  
一畫云。還糶得這箇麼。主便喝。師便打。典  
座至。師舉前語。典座云。院主不會和尙意。師  
云。爾作麼生。典座便禮拜。師亦打。有座主來  
相看次。師問座主。講何經說。主云。某甲荒  
虛粗習百法論。師云。有一人於三乘十二分  
教明得。有一人於三乘十二分教明不得。是  
同是別。主云。明得即同。明不得即別。樂普爲  
侍者。在師後立云。座主這裏是什麼所在。說  
同說別。師回首問侍者。汝又作麼生。侍者便  
喝。師送座主。回來遂問侍者。適來是汝喝老  
僧。侍者云。是。師便打。

師問第二代德山。垂示云。道得也。三十棒。道  
不得也。三十棒。師令樂普去問。道得爲什麼  
也。三十棒。待伊打汝。接住棒送一送。看他作  
麼生。普到彼如教而問。德山便打。普接住送  
一送。德山便歸方丈。普回舉似師。師云。我從  
來疑著這漢。雖然如是。汝還見德山麼。普擬  
議。師便打。  
王常侍一日訪師。同師於僧堂前看。乃問。這  
一堂僧。還看經麼。師云。不看經。侍云。還學禪  
麼。師云。不學禪。侍云。經又不看禪又不學。  
畢竟作箇什麼。師云。總教伊成佛作祖去。侍